



Broj: 04/3-11-464.1/26
Ilijaš, 08.04.2026. godine

Na osnovu člana 46. stav 4. Zakona o budžetima u Federaciji BiH ("Službene novine Federacije Bosne i Hercegovine" broj: 102/13,9/14,13/14,8/15,9/15,102/15,104/16, 5/18, 11/19, 99/19, 25a/22, 7/25 i 6/26), tačke 55. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije Bosne i Hercegovine“ broj: 37/24), člana 3. Budžeta Općine Ilijaš za 2026. godinu ("Službene novine Kantona Sarajevo" broj: 1/26), člana 10. Odluke o izvršavanju Budžeta Općine Ilijaš za 2026. godinu ("Službene novine Kantona Sarajevo", broj: 1/25), člana 3. Pravilnika o uslovima, načinu i kriterijima za dodjelu sredstava vjerskim zajednicama br: 04-3-11-1303/25 od 30.05.2025. godine, člana 107. Statuta općine Ilijaš ("Službene novine Kantona Sarajevo" broj: 20/09-- prečišćeni tekst i 46/18) a na prijedlog Službe za privredu i finansije, Općinski načelnik, donosi:

ODLUKU

O DODJELI SREDSTAVA ZA FINANSIRANJE/ SUFINANSIRANJE PROJEKATA/PROGRAMA VJERSKIH ZAJEDNICA IZ BUDŽETA OPĆINE ILIJAŠ ZA 2026. GODINU

Član 1.

(1) Ovom Odlukom utvrđuje se raspodjela sredstava za finansiranje/sufinansiranja projekata/programa vjerskih zajednica iz Budžeta Općine Ilijaš za 2026. godinu, koji su ispunili uvjete iz Javnog poziva za prikupljanje zahtjeva vjerskih zajednica radi dodjele sredstava za finansiranje/sufinansiranje iz Budžeta Općine Ilijaš za 2026.g.

(2) Sredstva za ove namjene obezbjeđena su u Budžetu Općine Ilijaš za 2026. godinu u iznosu od 89.000,00 KM, na budžetskim pozicijama :

- „614300- Tekući transfer neprofitnim organizacijama-Transfer vjerskim zajednicama u iznosu od 9.000,00 KM
- „615300- Kapitalni transfer neprofitnim organizacijama-Transfer vjerskim institucijama u iznosu od 80.000,00 KM

(3) Sredstva iz stava (2) raspoređuju se na sljedeći način:

| Aplikant/Projekat | Odobreni/Predloženi iznos (KM) |
|---|--------------------------------|
| Medžlis Islamske zajednice Breza | |
| KT/„Rekonstrukcija sistema grijanja u Džamiji Lješevo ugradnjom toplotne pumpe“ | 7.500,00 |
| TT/„Ramazanska predavanja u Džamiji Lješevo:“Nedelja poslije podne namaza“ | 1.000,00 |
| UKUPNO KAPITALNI TRANSFERI | 7.500,00 |
| UKUPNO TEKUĆI TRANSFERI | 1.000,00 |
| SVEUKUPNO | 8.500,00 |
| Župa sv.Marka Evandeliste Ilijaš | |
| KT/„Druga faza zamjene stolarije na župnoj kući“ | 4.000,00 |
| TT/„Režijski i drugih troškovi“ | 2.000,00 |
| UKUPNO KAPITALNI TRANSFERI | 4.000,00 |
| UKUPNO TEKUĆI TRANSFERI | 2.000,00 |
| SVEUKUPNO | 6.000,00 |

| | |
|--|------------------|
| Srpska Pravoslavna crkvena opština u Ilijašu | |
| KT „Zamjena stolarije na parohijskom domu“ | 4.000,00 |
| TT / “Režijski troškovi – izmirenje obaveza prema Vodostan Ilijaš” | 2.000,00 |
| UKUPNO KAPITALNI TRANSFERI | 4.000,00 |
| UKUPNO TEKUĆI TRANSFERI | 2.000,00 |
| SVEUKUPNO | 6.000,00 |
| Srpska Pravoslavna crkvena opština u Nišićima | |
| KT „Rekonstrukcija Parohijskog crkvenog doma Nišići – vodovodni i kanalizacioni radovi“ | 4.000,00 |
| UKUPNO KAPITALNI TRANSFERI | 4.000,00 |
| UKUPNO TEKUĆI TRANSFERI | - |
| SVEUKUPNO | 4.000,00 |
| Medžlis Islamske zajednice Sarajevo | |
| KT „Izgradnja AB ploče na temeljima porušene džamije u džematu Misoča“ | 1.500,00 |
| KT/ „Sanacija mokrih čvorova komplet uključujući sve radove na zamjeni keramike, sanitarija i instalacija – Džamija Misoča“ | 3.000,00 |
| KT/ „Džamija Sudići – Oblaganje munare sa limom“ | 1.500,00 |
| KT/ „Isporučka i ugradnja klima uređaja – Džamija Medojevići“ | 4.000,00 |
| KT/ „Nabavka i ugradnja toplotnih pumpi Džamija Malešići“ | 7.500,00 |
| KT/ „Izgradnja ograde na dijelu mezarja Gornji Ivančići“ | 4.000,00 |
| KT/ „Nabavka i ugradnja vanjske stolarije za pomoćni objekat uz Džamiju Homar“ | 1.500,00 |
| KT/ „Zamjena crijepa/lima i dijela krovne konstrukcije Džamija Vukasovići“ | 7.500,00 |
| KT/ „Zamjena stepenica i ograde na musenderi i polica za obuču Džamija Crna Rijeka“ | 7.500,00 |
| KT/ „Rekonstrukcija krova na mektebu u Salkanovom Hanu“ | 6.000,00 |
| KT/ „Zamjena klima uređaja u Džamiji Podlugovi“ | 7.500,00 |
| KT/ „Opremanje abdesthane i wc u mektebu i Renoviranje gasulhane mekteb Vlaškovo“ | 2.500,00 |
| KT/ „Digitalna mektebska učionica - Džamija Novi Ilijaš“ | 2.500,00 |
| TT/ - Džematsko putovanje i druženje povodom otvorenja džamije - Edukacija i uniformisanje mektebskog hora - Putovanje polaznika mektebske pouke – Upoznajmo okolinu | 2.500,00 |
| UKUPNO KAPITALNI TRANSFERI | 56.500,00 |
| UKUPNO TEKUĆI TRANSFERI | 2.500,00 |
| SVEUKUPNO | 59.000,00 |
| Župa sv.Ilije Proroka Čemerno | |
| KT/ „Izgradnja nadstrešnice u dvorištu crkve Sv.Ilije – Taračin Do“ | 4.000,00 |
| TT/ „Obilježavanja proslava i plaćanja režijskih i drugih troškova“ | 1.500,00 |
| UKUPNO KAPITALNI TRANSFERI | 4.000,00 |
| UKUPNO TEKUĆI TRANSFERI | 1.500,00 |
| SVEUKUPNO | 5.500,00 |
| UKUPNO KAPITALNI TRANSFERI | 80.000,00 |
| UKUPNO TEKUĆI TRANSFERI | 9.000,00 |
| SVEUKUPNO | 89.000,00 |

Član 2.

Općinski načelnik će sa korisnicima sredstava iz člana 1. stav (3) ove Odluke zaključiti Ugovor o dodjeli sredstava za finansiranje/sufinansiranje iz Budžeta Općine Ilijaš, a putem kojeg će se regulisati međusobna prava, obaveza i odgovornosti koje se odnose na dinamiku i modalitet za doznačavanje sredstava, načina praćenja namjenskog trošenja sredstava, te elemente narativnog i finansijskog izvještavanja o provođenju odobrenih programa/projekata na osnovu Javnog poziva za prikupljanje zahtjeva vjerskih zajednica radi dodjele sredstava za finansiranje/sufinansiranje iz Budžeta općine Ilijaš za 2026.godinu.

Član 3.

Korisnicima sredstava iz člana 1. stav (3) ove Odluke, koji u ugovorenom roku ne dostave izvještaj o utrošku sredstava, Općinski načelnik će svojom Odlukom obustaviti finansiranje odobrenog programa i aktivirati mehanizme povrata sredstava u slučaju utvrđenog nenamjenskog trošenja budžetskih sredstava.

Član 4.

Za realizaciju ove Odluke nadležna je Služba za privredu i finansije Općine Ilijaš.

Član 5.

Ova Odluka stupa na snagu danom objavljivanja, a ista će biti objavljena na oglasnoj tabli Općine Ilijaš i web, Facebook i Instagrama stranici općine.

Obrazloženje:

Na osnovu člana 46. stav 4. Zakona o Budžetima u Federaciji BiH (Službene novine FBiH 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22, 7/25 i 6/26), te tačke 24. i 25. Smjernica o minimalnim standardima dodjele budžetskih sredstava putem transfera i subvencija u Federaciji BiH (Službene novine Federacije BiH br. 37/24), a na osnovu Pravilnika o uslovima, načinu i kriterijima za dodjelu sredstava vjerskim zajednicama br: 04-3-11-1303/25 od 30.05.2025. godine Služba za privredu i finansije je pripremila tekst Javnog poziva a Općinski načelnik raspisao Javni poziva za prikupljanje zahtjeva vjerskih zajednica radi dodjele sredstava za finansiranje/sufinansiranje iz Budžeta općine Ilijaš za 2026.g. dana 13.02.2026. godine sa krajnjim rokom dostave aplikacija 16.03.2026. godine do 15:00 sati. Javnim pozivom su pozvane vjerske zajednice koje imaju sjedište ili izgrađene vjerske objekte na području općine Ilijaš da podnesu zahtjeve za projekte koji će se finansirati/sufinansirati iz sredstava Budžeta Općine Ilijaš za 2026. godine u skladu sa sljedećim uslovima :

a) **Sredstava po osnovu kapitalni transfer na ime :**

- građevinsko-zanatskih radova, sanacije ili rekonstrukcije postojećeg vjerskog objekta ili dijela objekta, kao i izgradnja - dogradnja novog objekta ili dijela objekta

b) **Sredstava po osnovu tekućeg transfera na ime :**

- organizacija vjerskih praznika, blagdana, manifestacija, vjersko - kulturnih i prosvjetnih događaja, tribina, okruglih stolova, te raznih oblika i vidova prezentiranja stvaralaštva vjerske zajednice, kao i štamparsko - izdavačke, prevodilačke i druge aktivnosti;
- plaćanje režijskih i drugih troškova održavanja postojećih vjerskih objekata.

Nakon isteka roka za dostavljanje aplikacija po Javnom pozivu putem protokola Općine Ilijaš u ostavljenom roku Služba za privredu i finansije je zaprimila 28 (dvadesetosam) zahtjeva i 1 (jedan) zahtjev izvan ostavljenog roka za prijave. Nakon otvaranja i selekcije prijave Služba za privredu i finansije je konstatovala da 26 prijave ispunjavaju opće uvjete za dodjelu sredstava te su iste ušle u narednu fazu ocjene. Tri (3) prijave nisu ispunile uslove iz javnog poziva obzirom da dokumentacija koja je priložena je neuredna (potpisana od strane neovlaštene osobe) odnosno nisu predate u ostavljenom roku iz javnog poziva. Služba za privredu i finansije o provedenim aktivnostima tokom otvaranja ponuda je

sačinila Izvještaj sa prijedlogom za dodjelu sredstava poštujući odredbe člana 5. Pravilnika o uslovima, načinu i kriterijima za dodjelu sredstava vjerskim zajednicama, te prijedlog Odluke o dodjeli sredstava za finansiranje/sufinansiranje projekata/programa vjerskih zajednica iz Budžeta općine Ilijaš za 2026. godinu.

Prilikom izrade prijedloga Odluke Služba za privredu i finansije, prevashodno vodeći računa o odobrenom iznosu sredstava Budžetom Općine Ilijaš za 2026. godinu, uvažavajući činjenicu da iznosi po apliciranim projektima prevazilaze okvir koji je planiran Budžetom, prilikom razmatranja pristiglih aplikacija koje ispunjavaju uslove iz javnog poziva se vodila principima ravnomjerne zastupljenosti svih vjerskih zajednica na području općine, ali i stepenom hitnosti radova, kao i prioritetima kao što su povećanje energetske efikasnost vjerskih objekata, sanaciju osnovnih higijenskih uslova u objektima kao i završetak započetih projekata. Također, Služba za privredu i finansije je vodila računa i o činjenici da je ukupan iznos traženih sredstava višestruko premašio budžetsku stavku predviđenu za 2026. godinu, te je prilikom izrade prijedloga primijenila sljedeće korekcije odnosno iznos sufinansiranje (vlastito učešće) i spremnost aplikantata da sami finansiraju veći procenat projekta, te proporcionalno umanjenje kod kapitalnih projekata velikih vrijednosti tako da odobreni iznos predstavlja inicijalnu podršku, dok će se ostatak sredstava planirati iz drugih izvora. Prilikom selekcije i izrade konačnog prijedloga Služba za privredu i finansije je uzela i činjenicu da određeni projekti zahtjevaju veliki udio finansiranja bez ponuđenog iznosa sufinansiranja od strane aplikantata, kao i da se pojedini aplikanti su bili predmet sufinansiranja u prethodnim godinama, te je smatrala da određene projekte i programe treba privremeno prolongirati u ovom implementacionom ciklusu jer njihova vrijednost u ovom trenutku zauzima prevelik procenat ukupnog granta, čime bi se ugrozila podrška manjim, a hitnijim projektima,

Nakon razmatranja svih činjenica i dostavljenih prijedloga Općinski načelnik je na osnovu člana 46. stav 4. Zakona o budžetima u Federaciji BiH ("Službene novine Federacije Bosne i Hercegovine" broj: 102/13,9/14,13/14,8/15,91/15,102/15,104/16, 5/18, 11/19, 99/19, 25a/22, 7/25 i 6/26), tačke 55. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije Bosne i Hercegovine“ broj: 37/24), člana 3. Budžeta Općine Ilijaš za 2026. godinu ("Službene novine Kantona Sarajevo" broj: 1/26) , člana 10. Odluke o izvršavanju Budžeta Općine Ilijaš za 2026. godinu ("Službene novine Kantona Sarajevo", broj: 1/26), člana 3. Pravilnika o uslovima, načinu i kriterijima za dodjelu sredstava vjerskim zajednicama br: 04-3-11-1303/25 od 30.05.2025. godine, člana 107. Statuta općine Ilijaš ("Službene novine Kantona Sarajevo" broj: 20/09- prečišćeni tekst i 46/18) a na prijedlog Službe za privredu i finansije, donio Odluku kao u dispozitivu.

Pouka o pravnom lijeku: Protiv ove Odluke nezadovoljna stranka ima pravo Prigovora Općinskom načelniku u roku od 8 dana od dana objave na oglasnoj ploči i web stranici Općine (www.ilijas.ba).

Obradio :

Šef odsjeka za budžet i trezor :

Mr. Nedžad Masnopita

Kontrolisala:

Sekretar organa uprave

Masnopita Adha, dipl.prav.

Općinski načelnik

Dovadžija Amar

Dostavljeno:

- Oglasna tabla
- Aplikantima 6x
- Služba za privredu i finansije Općine Ilijaš
- a/a

ul. 126. Ilijaške brigade br.6., 71380 Ilijaš
Tel. ++387 33 580-690,
e-mail: info@ilijas.ba

ISO 9001

BUREAU VERITAS
Certification

certifikat: HR011161